

PAOT TE TIT PU TAPPET KAX'ĀMI'

1 ¹Ūgmün Paot. 'Āte xa' kax'āmi nūhū' tappet. 'Āte hāpxopmā max Topa pu'. Yeyox Kunnix te mōgkutnāhā 'ūgmün. Topa tek yāy kutnāhā 'ūgmün tikmū'ūn kopah, tu mōgkutnāhā, 'ūyīy Topa yōg tikmū'ūn hāg tehe', puyīy tu' kuxa mām ka'ok nōy nā mōg. Topa yōg hāmyūmmūg xe'e! ²Topa yōg putat max kopa tikmū'ūn te hi'ax kux 'ohnāg hip. Topa te' koit 'ohnāg. Hōmā tute hām'āktux xex, 'ihā hām xexka xip'ah. Tute hām'āktux, hi'ax kux 'ohnāg hōm putup, yā tikmū'ūn hīnnāp-tup, puyīy hi mōkuma'mōg, ha' kux 'ohnāg. ³Hāpxip 'ihā Topa te 'ā yāy yōg hām'āpak max'ax 'āktux nō 'āmnīy xe'e 'ihā. Tute 'ā' hōm yāy yōg hām'āpak max'ax, 'ūyīy tikmū'ūn pu nōm 'āktux. Topa te' xat. Yā Topa te tikmū'ūn kuxa kummuk xit, nūy kuxa max mō'tat, 'ūyānān tu'. ⁴'Āte xa' kax'āmi', yā Tit pu' 'ūgkutok pit putuk Topa yōg putat max kopah. Pu yā yūmūg 'Ātak Topa xa hāmmaxnā', xayīy 'ākuxa yūm.

Tit te hāpxopmā max hāpxexka Kenet tu'

⁵'Āte 'āxix hāpxexka Kenet tu', xayīy hāpxopmā max, yā 'āte nōm kuxyā 'ohnāg, xayīy yīmōgātux tihik, nōm te Kunnix kopa kuxa mām xop pēnā max kōmēn xohix tu'. 'Āte' xa nōm 'āktux. ⁶'Ūmax, pu tik te Kunnix kopa kuxa mām xop pēnā max xop te hāpkummuk mīy 'ohnāg, ha yāpxehnāg 'ūxetut, yā' xetut nīm 'ohnāg, hak-tok xohix kuxa mām Yeyox kopah, tuk-tok gāy 'ohnāg, tu' tak 'āpak, xi' tut 'āpak.

⁷Kunnix kopa kuxa mām xop yōg pēnā'ax xop yōg xat'ax te Topa pu hāpxopmā max kamah. 'Ūmax, pu hāpkummuk mīy 'ohnāg, tu yāy xexka pe'paxex 'ohnāg, tu' gāy mō'ka'ok 'ohnāg, tu paptux 'ohnāg, tu' gāy 'ohnāg, tu hāpxop putup xūy 'ohnāg. ⁸'Ūmax, pu nōm puknōg xop pu hāpxōn pax, tu hāpxopmā max putup pax, tup-tox max, tu hām yok mīy, tu' max Topa pu', tu' kuxa max. ⁹'Ūmax, pu' kuxa mām ka'ok hāmyūmmūg xe'e kopah, tute nōm yūmmūg hōmā. Hā kaxīy tute tikmū'ūn pu hāmyūmmūg xe'e yūmmūgāp-tup, tu tikmū'ūn hā tu' tep-tup, tu hāmyūmmūg xe'e putup nōg xop mūtik hām'āktux max putup, puyīy kuxa mām.

¹⁰Hamūn, tikmū'ūn punethok te Topap-tup nōg, tu' nōy mōgāhā koit'ax hā, yā hām'āktux hitop hā, yā Kunnix kopa kuxa mām xop mōgāhā koit'ax hā. Hōmā

nõm te! koit pax xop te Yoneo xop nĩm, tu hõnhã! pip Kunnix kopa kuxa mãm xop kopah. Yã nõm punethok te tikmũ'ũn mõgãhã koit'ax hã. ¹¹ Ûmax, xayĩy nõm hãm'ãktux kummuk kuxyã!. Hamũn, nõm te tikmũ'ũn pu hãpxop kummuk yũmmũgãhã!, nũy tayũmak pop pax, tu xuxyã xop xohix koxyõy. ¹² Hamũn, hõmã hãpxexka Kenet yõg tik te hãmyũmmũg, tu hãm'ãktux, hu: "Hãpxexka Kenet yõg xop te! koit pax, tu xokxop gãy mũn putuk, tu! tuknõgnãg pax, tu! xit pax." Kaxĩy. ¹³ Hamũn. 'Äp koit'ah. 'Äpu hãm'ãktux, hu: "Kaxĩy hok!" kaxĩy, puyĩy tikmũ'ũn kuxa mãm ka'ok, ¹⁴ puyĩy tikmũ'ũn Yoneo xop yõg hãmãktux hitop 'äpak hok, puyĩy 'äpak hok tik yõg xat'ax, yã nõm tik kummuk te hãpxe'e yũmmũg 'ohnãg. ¹⁵ Ûmax xop pu! max hãpxop xohix, pa! kummuk xop pu! kummuk hãpxop xohix, yã! kuxa mãm 'ohnãg xop pu! kummuk. Hamũn, 'üp-tox kummuk, tu! kuxa kummuk. ¹⁶ Nõm te hãm'ãktux, Topa yũmmũg, pa hãpxopmã kummuk. Tikmũ'ũn te! pẽnãhã 'üyõg hãpkummuk miy'ax, tu! yũmmũg nõm te Topa yũmmũg 'ohnãg. Yã Topa pu! kummuk, tu! yĩpkox pip 'ohnãg, tu hãpxopmã max xohix pu! kummuk.

Hãmyũmmũg xe'e!

2 ¹ Pa 'äpu tikmũ'ũn pu! yũmmũgã hãpxopmã'ax max, yã hãmyũmmũg xe'e. ² 'Äpu yũmmũgã!, puyĩy tik kutut xop tu paptux hok, nũy putox max, nũy gãynãm hok, nũy kuxa mãm ka'ok pax, nũy nõy putup pax, nũy Topa yõg putat xak hok. ³ 'Äpu 'ũn kutut xop pu hãm'ãktux, puyĩy hãpxopmã max Topa te nõm putup, nũy xũmãhiy hok, nũy paptux hok, nũy tikmũ'ũn pu hãmyũmmũgã max, ⁴ yã 'ũhex tuk tup xop pu hãmyũmmũgãhã!, puyĩy yãy yĩpxox putup pax xik-tok putup pax, ⁵ nũy putox max, nũy hãpxopmã max Topa te nõm putup pax, nũy tu hãm max 'ũxuxyã xop pu!, nũy yãy yĩpxox 'äpax. Hã kaxĩy tikmũ'ũn te Topa yõg putat yõg hãm'ãktux 'ãktux kummuk putup'ah.

⁶ Hã kaxĩy kamah, 'äpu 'üpit tuk tup xop pu hãm'ãktux, puyĩy tup-tox max. ⁷ Xix 'ãmũn, 'äpu hãpxopmã max xohix, puyĩy tikmũ'ũn pẽnã!, tu kama! miy putup. 'Äpu tikmũ'ũn pu hãmyũmmũgã hitop hok, yã kutex hok. ⁸ 'Äpu hãm'ãktux yok, puyĩy tikmũ'ũn hãm'ãktux kummuk hã kutex 'ohnãg. Paxpu kute'ex, puxix yãyhãhup, tu! yey.

⁹ 'Ühok hãm'ax xop, 'äpu 'ãxuxyã 'äpax, nũy hãpxopmã max xohix, puyĩy 'ãxuxyã nõm putup. 'Äpu hãm'ãktux hã! nõy yãnãn hok. ¹⁰ Ûmax, pu hok hãm'ax xop xat'ax xop yõg hãpxop hã tu xupxet hok, pa xat'ax xop pu! max mõkuma! mõg. Pu yã nõm tu! pip ka'ok mõkuma! mõg. Hã kaxĩy tikmũ'ũn te Topa yõg hãm'äpak max'ax 'ãktux max putup. Topa te yũmũg kuxa kummuk xit, nũy kuxa max mõ'tat, 'üyãnãn tu!.

¹¹ Topa te hok hãpxopmã max tikmũ'ũn pu!, nũy tikmũ'ũn xohix kuxa kummuk xit, nũy kuxa max mõ'tat, 'üyãnãn tu!. Tutep-tup. ¹² Topa te hok hãpxopmã max yũmũ'ã!. 'Äpu yũmũ Kunnix kopa kuxa mãm xop kũnãpa xop hãpxopmã putuk hok. 'Äpu yũmũ hãm xexka yõg hãpxop xohix xak pax hok. Pa 'äpu yũmũ yãy yõg putup'ax kummuk mõ'nĩy, nũy hãm yok miy, nũy Topa putuk, 'ihã yũmũg pip nũnte hãm xexka tu!, ¹³ tu yũmũ'ãte! hip, yã Topa max

xe'ênãg hip, xix yũmũg xuxyã Yeyox Kunnix hip. Tute yũmũg kuxa kummuk xit, nũy kuxa max mō'tat, 'üyānān tu'. ¹⁴Yeyox xok, 'üyiy yũmũ 'āti'. Yeyox xok, nũy yũmũg kuxa kummuk xit, nũy kuxa max mō'tat, 'üyānān tu', nũy yũmũg kuxa pix, pũy yũmũg pop, yã 'üyōg tikmũ'ün yã nōm te' max mĩy.

¹⁵Tit, 'āpu tikmũ'ün pu nũ hāpxop yũmmũgā'. 'Āpu tikmũ'ün tu' xax, pu nōm mĩy. 'Āpu xat 'üyĩpkox pip hok xop. Yã Topa te 'āxexka mĩy. 'Ūtux hok, pu tikmũ'ün yĩpkox pip hok.

Hāpxopmā max Kunnix tēp-tup

3 ¹'Āpu tikmũ'ün pu hām'āktux, pu gohet yōg xat'ax 'āpax, nũy yōg xat'ax mĩy, nũy hāpxopmā max xohix. ²'Āpu tikmũ'ün pu hām'āktux, pu tikmũ'ün 'āktux kummuk hok, pu yāy kix hok, pa tikmũ'ün hã tu tehet, yã tikmũ'ün xohix xexka pu' max. ³Hamũn, hōmã yũmũg hitop, tu yũmũg yĩpkox 'ohnãg, tu putat max xak, tu yũmũ yōg putup'ax kummuk te yũmũg papuk pax, tu yũmũp-tox kummuk, tu yũmũg yĩpkumĩy, ha tikmũ'ün te yũmũg putup nōg, ha yũmũ'āte tikmũ'ün putup nōg. ⁴Pa hāpxíp 'ihã yũmũ'āte' yũmmũg hāpxop max Topa yōg, yã Topa te yũmũg putup pax, tu yũmũg hã tu tehe', ⁵tu yũmũg kuxa kummuk xit, nũy yũmũg kuxa max mō'tat, 'üyānān tu'. 'Ok yũmũ'āte hāmyok mĩy, yiy ta Topa te yũmũg kuxa kummuk tupmāhã? 'Āmhok. Pa Topa te yũmũg pēnāhã', tu yũmũg kuxa ka'. Tute yũmũg kuxa tupmāhã, 'üyiy yũmũg kuxa tu max, yã hāpxop xohix 'ūtup, yã Topa Koxuk hã' mĩy. ⁶Topa te Topa Koxuk hã yũmũg mōgkukoho', 'ihã yũmũg kuxa mām Yeyox Kunnix kopah. Yeyox te yũmũg kuxa kummuk xit, nũy kuxa max mō'tat, 'üyānān tu', ⁷'üyiy yũmũg kuxa tu' max. Topa te' hok mĩy, tu yũmũ'āl hōm hi'ax kux 'ohnãg. Yã yũmũ'āte nōm hip, yã yũmũg hi xe'ēgnãg mōkumak mōg, ha' kux 'ohnãg. ⁸Yã hamũn. 'Ātep-tup, xayiy 'ü yũmmũgā' xe'e' nũ hāpxop xohix, puyiy Topa kopa kuxa mām xop hāpxopmā max xohix, yã' max xe'e tikmũ'ün pu'. ⁹Pa 'āpu 'āpak hok hāmyũmmũg hitop, xix mōnāyxpox hittap 'āxet'ax 'āktux hitop, xix yāy mānōg'ax, xix Mōyyex yōg xat'ax 'āktux hitop. Yã' xohix te hāmmaxnã 'ohnãg. Yã' max'ah. ¹⁰'Ūtux hok, pu yāy kix hok yāy kix pax xop. 'Ūtux hok, tu xe' tux hok, pa' yĩpkox pip'ah. 'Āpu nōm tik nīm. ¹¹Yũmũ'āte' yũmmũg, yã nōm tik kohe', yã' kuxa kummuk, tu yāy xüygāp-tup.

Puyã Topa xa hāmmaxnã'

¹²'Āte mō'pok putup 'Ahat pe Tikik. 'Ōnte xupep, 'ihã nũ' kōmēn Nīkop tu'. Noxk xip'ax 'ōnte mō'āgmũg 'āxix hã. ¹³'Āpu nō 'ātehet Yēn, nōm te xat'ax yũmmũg, xix 'Apot nō 'ātehet, pu mōg, pu hāpkumep. ¹⁴'Ūmax, pu' xohix hāpxopmā max, pu nō 'ātehet 'ūhok xop, puyiy xohix hāpxop popmā'.

¹⁵Yã 'ūxohix nũnte te xa hām'āktux hu: "Āneo." Kaxiy. 'Āpu, 'āneo 'āktux nōm te yũmũg putup pax Topa yōg putat max kopah. Pu yã Yeyox xa hāmmaxnã'.

Tu ta tu' kux.